



Broj: 12-11-4590-1 /2026

Bihać, 24.3.2026.godine

Na osnovu člana 27. Zakona o dopunskim pravima branilaca i članova njihovih porodica („Službeni glasnik Unsko-sanskog kantona” broj: 31/20, 9/23, 27/23 i 15/25) i člana 11. Pravilnika o kriterijima, uslovima i načinu dodjele stipendija redovnim studentima branilačkih kategorija sa područja Unsko-sanskog kantona („Službeni glasnik Unsko-sanskog kantona“ broj: 15/2024), ministar Ministarstva za pitanje boraca i ratnih vojnih invalida raspisuje:

## KONKURS

### Za dodjelu stipendija redovnim studentima branilačkih kategorija sa područja Unsko-sanskog kantona za akademsku 2025/2026. godinu

#### I Korisnici prava po ovom Konkursu

(1) Pravo na dodjelu stipendije po ovom Konkursu mogu ostvariti:

- a) djeca poginulog, umrlog, nestalog branioca,
- b) djeca lica iz člana 2. Zakona o dopunskim pravima branilaca i članova njihovih porodica („Službeni glasnik Unsko-sanskog kantona“ broj:31/20, 9/23, 27/23 i 15/25) (u daljnjem tekstu: Zakon), i to djeca branioca, demobiliziranog branioca, dobrovoljca, organizatora otpora, veterana, ratnog vojnog invalida, dobitnika ratnog priznanja ili odlikovanja,
- c) djeca umrlog lica iz člana 2. Zakona.

(2) Pod djetetom lica iz člana 2. Zakona smatra se dijete rođeno u braku i izvan braka, usvojenik ili pastarak, koje se redovno školuje i koje živi u zajedničkom domaćinstvu, a umrlog lica iz člana 2. Zakona, smatra se dijete koje se redovno školuje i koje je živjelo sa umrlim u zajedničkom domaćinstvu do smrti lica iz člana 2. Zakona.

(3) Pod zajedničkim domaćinstvom smatra se zajednica stanovanja, privređivanja i trošenja ostvarenih prihoda.

(4) U postupku ostvarivanja prava na dodjelu stipendije, status se dokazuje rješenjem/uvjerenjem nadležnog organa za boračko-invalidsku zaštitu, odnosno Odjeljenja za boračko-invalidsku zaštitu prema mjestu prebivališta korisnika prava.

#### II Uslovi za dodjelu stipendije

(1) Pravo na dodjelu stipendije po ovom Konkursu ostvaruju studenti pod uslovom da:

- a) su državljani Bosne i Hercegovine,

b) imaju prijavljeno mjesto prebivališta na području Unsko-sanskog kantona ili u gradovima/općinama Banja Luka, Prnjavor, Srbac, Prijedor, Bosanski Novi, Kozarska Dubica, Gradiška i Laktaši,

c) su redovni studenti studija na visokoškolskim ustanovama prvog i drugog ciklusa studiranja,

d) su djeca poginulog, umrlog, nestalog branioca/djeca lica iz člana 2. Zakona/djeca umrlog lica iz člana 2. Zakona,

e) žive u zajedničkom domaćinstvu sa licem iz člana 2. Zakona, odnosno ukoliko se radi o djetetu umrlog lica iz člana 2. Zakona, da su živjeli u zajedničkom domaćinstvu do smrti lica iz člana 2. Zakona,

f) uz zahtjev dostave traženu dokumentaciju, u suprotnom smatrat će se da zahtjev nije potpun i kao takav neće se uzeti u razmatranje.

(2) Redovni studij na visokoškolskim ustanovama, obuhvata redovni i redovni-samofinansirajući studij prvog i drugog ciklusa Bolonjskog sistema studiranja.

(3) Korisnik stipendije koji redovno upiše narednu godinu studija, zadržava pravo na kontinuiranu stipendiju do završetka redovnog studija, ukoliko uz zahtjev dostavi traženu dokumentaciju.

### **III Izuzeće**

Pravo na dodjelu stipendije po ovom Konkursu, ne mogu ostvariti studenti koji:

a) imaju status apsolventa,

b) su na vanrednom studiju,

c) primaju kredit ili stipendiju drugog davaoca,

d) su bili korisnici stipendije od strane Ministarstva za pitanje boraca i ratnih vojnih invalida za istu studijsku godinu za koju predaju zahtjev,

e) su u radnom odnosu na određeno ili neodređeno vrijeme.

### **IV Osnov po kojem se dodjeljuju stipendije**

Stipendije se dodjeljuju na osnovu provedenog postupka, uslova i načina dodjele propisanih Pravilnikom o uslovima i načinu dodjele stipendija redovnim studentima branilačkih kategorija sa područja Unsko-sanskog kantona, a utvrđuje se na osnovu priložene dokumentacije, koju je podnosilac zahtjeva, uz zahtjev dužan priložiti.

### **V Obavezna dokumentacija**

(1) Uz zahtjev za dodjelu stipendije podnosilac je dužan priložiti sljedeću dokumentaciju:

a) kratku biografiju,

b) rješenje ili uvjerenje Odjeljenja za boračko-invalidsku zaštitu matične općine (u daljnjem tekstu: Odjeljenje), o priznatom statusu u skladu sa Zakonom,

c) rješenje Odjeljenja za djecu poginulog, umrlog, nestalog branioca, kojim je priznato pravo na porodičnu invalidninu u skladu sa federalnim propisom (posljednje na snazi) ili uvjerenje,

- d) rješenje Odjeljenja za djecu ratnog vojnog invalida/umrlog ratnog vojnog invalida, dobitnika ratnog priznanja ili odlikovanja/umrlog dobitnika ratnog priznanja ili odlikovanja, rješenje kojim je priznato pravo po federalnom propisu (posljednje na snazi za ratnog vojnog invalida) ili uvjerenje,
- e) prijava u evidenciji prebivališta (CIPS),
- f) uvjerenje o redovnom upisu na fakultet za tekuću studijsku godinu, odnosno akademsku godinu za koju se dodjeljuje stipendija,
- g) ovjerena lična izjava pod materijalnom i krivičnom odgovornošću da ne prima drugu stipendiju, kredit, da nije korisnik stipendije od strane Ministarstva za pitanje boraca i ratnih vojnih invalida, za istu studijsku godinu za koju predaje zahtjev,
- h) kućna lista ili ovjerena lična izjava da živi u zajedničkom domaćinstvu sa licem iz člana 2. Zakona, odnosno ukoliko se radi o djeci umrlog lica iz člana 2. Zakona, da su živjeli u zajedničkom domaćinstvu do smrti lica iz člana 2. Zakona,
- i) ovjerena lična izjava da nije zaposlen na određeno ili neodređeno vrijeme,
- j) potvrda banke o otvorenom tekućem računu ili ovjerena fotokopija tekućeg računa otvorenog kod banke na ime podnosioca zahtjeva za dodjelu stipendije.

(2) Uz zahtjev za dodjelu stipendije, korisnik stipendije koji redovno upiše narednu godinu studija – kontinuirano ostvarivanje prava na stipendiju, dužan je priložiti sljedeću dokumentaciju:

- a) dokaz da je redovno upisao narednu akademsku godinu,
- b) prijava u evidenciji prebivališta (CIPS),
- c) dokaz da nije ostvario pravo na stipendiju od strane drugog davaoca stipendije,
- d) dokaz da nije zaposlen na određeno ili neodređeno vrijeme.

(3) Tražena dokumentacija predaje se u originalu ili ovjerenoj fotokopiji, ne smije biti starija od 6 mjeseci, i obavezna je da se dostavi uz zahtjev, u suprotnom smatrat će se da zahtjev nije potpun.

(4) Javne isprave, izdate u drugim državama s kojima Bosna i Hercegovina ima zaključene međunarodne ugovore, važe saglasno tim ugovorima.

(5) Javne isprave, izdate u državama s kojima Bosna i Hercegovina nema zaključene međunarodne ugovore o priznavanju važnosti javnih isprava, važe ukoliko sadrže sve elemente propisane odgovarajućim međunarodnim konvencijama i pod uslovom reciprociteta čije postojanje utvrđuje Ministarstvo pravde Bosne i Hercegovine na osnovu prethodno pribavljenog mišljenja Ministarstva vanjskih poslova Bosne i Hercegovine.

(6) Javne isprave izdate u drugim državama trebaju biti prevedene na jedan od službenih jezika Federacije Bosne i Hercegovine i ovjerene od stalnog sudskog tumača.

(7) Ministarstvo za pitanje boraca i ratnih vojnih invalida (u daljnjem tekstu: Ministarstvo) nema obavezu vraćanja dokumentacije priložene uz zahtjev.

## **VI Pojedinačan iznos stipendije**

Sredstva za stipendiranje studenata osiguravaju se u Budžetu Unsko-sanskog kantona budžetskog korisnika Ministarstva.

Pojedinačan iznos stipendije i broj stipendista utvrđuje svojom odlukom Vlada Unsko-sanskog kantona, na prijedlog Ministarstva.

## **VII Gubitak prava na stipendije**

Korisnik gubi pravo na stipendiju ukoliko:

- a) se utvrdi da je pravo na stipendiju ostvario na osnovu neistinitih ili nepotpunih podataka ili na osnovu falsifikovanih dokumenata,
- b) započne primati stipendiju iz drugih izvora,
- c) svojevrijem prekine studij,
- d) korisnik stipendije bude pravosnažno osuđen za krivično djelo za koje mu je izrečena kazna zatvora 3 mjeseca ili duže,
- e) korisniku stipendije bude izrečena disciplinska mjera isključenja iz visokoškolske ustanove i prestanka statusa redovnog studenta,
- f) ne upiše narednu akademsku godinu – kod kontinuiranog ostvarivanja prava na stipendiju,
- g) po nekom drugom osnovu prestane mu status redovnog studenta.

## **VIII Karakteristike stipendije**

(1) Stipendije se dodjeljuju za deset mjeseci akademske godine 2025/2026.

(2) Ukoliko korisnik stipendije prekrši ugovorom preuzete obaveze ili izgubi pravo na stipendiju, Ministarstvo ima pravo i obavezu jednostrano raskinuti ugovor, te istim utvrditi da je korisnik stipendije u obavezi isplaćeni iznos stipendije vratiti na račun, na način utvrđen Pravilnikom o uslovima i načinu dodjele stipendija redovnim studentima branilačkih kategorija sa područja Unsko-sanskog kantona.

(3) Isplata se vrši putem tekućeg računa otvorenog kod banke.

## **IX Podnošenje zahtjeva i odlučivanje po zahtjevu**

Zahtjev za dodjelu stipendije sa potrebnom dokumentacijom, podnosi se putem pošte u zatvorenom kovertu sa naznakom „ne otvaraj“ na adresu Ministarstvo za pitanje boraca i ratnih vojnih invalida Alije Đerzeleza 6, Bihać ili putem pisarnice Vlade Unsko-sanskog kantona, u roku od 15 dana od dana objavljivanja konkursa.

Obrazac zahtjeva, zainteresovani kandidati mogu preuzeti u Ministarstvu, Odjeljenju za boračko-invalidsku zaštitu i sa web stranice Vlade Unsko-sanskog kantona.

Lista studenata za dodjelu stipendija i lista studenata koji nisu ispunili uslove za dodjelu stipendije, objavljuje se na oglasnoj ploči Ministarstva i na oglasnim pločama Odjeljenja za boračko-invalidsku zaštitu i web stranici Vlade Unsko-sanskog kantona.

Na osnovu odluke o utvrđivanju pojedinačnog iznosa stipendije i broja stipendista, pristupa se zaključivanju ugovora o stipendiranju sa korisnikom stipendije.

Ugovor o stipendiranju zaključuje ministar Ministarstva s korisnikom stipendije, a ako je on maloljetan ugovor zaključuje zakonski zastupnik (roditelj ili staratelj).



MINISTAR  
mr. Almir Zulić

**UNSKO-SANSKI KANTON  
MINISTARSTVO ZA PITANJE BORACA  
I RATNIH VOJNIH INVALIDA  
BIHAĆ**

**PREDMET: Zahtjev za dodjelu stipendije – PRVI PUT**

Obraćam se navedenom naslovu, zahtjevom za dodjelu stipendije, a u skladu sa raspisanim Konkursom za dodjelu stipendije za akademsku 2025/2026. godinu, jer sam \_\_\_\_\_.

(navesti boračku kategoriju kojoj pripada podnosilac zahtjeva)

PODNOŠIOCI	Ime (ime oca) i prezime
	Datum rođenja:
	Adresa:
	Kontakt broj:

PODACI	Naziv:
O	Adresa sjedišta:
FAKULTETU	Godina studiranja:

Uz zahtjev prilažem:

	Kratku biografiju	
	Rješenje ili uvjerenje Odjeljenja za boračko-invalidsku zaštitu matične općine, o priznatom statusu u skladu sa Zakonom o dopunskim pravima branilaca i članova njihovih porodica	
	Rješenje ili uvjerenje Odjeljenja za boračko-invalidsku zaštitu kojim je priznato pravo po federalnom propisu, za djecu poginulog, umrlog i nestalog branioca/ratnog vojnog invalida/umrlog ratnog vojnog invalida/dobitnika ratnog priznanja ili odlikovanja/umrlog dobitnika ratnog priznanja ili odlikovanja (posljednje na snazi za djecu poginulog, umrlog i nestalog branioca i djecu ratnog vojnog invalida)	

PRILOZI	Prijava u evidenciji prebivališta (CIPS)	
	Uvjerenje o redovnom upisu na fakultet za tekuću studijsku, odnosno akademsku godinu za koju se dodjeljuje stipendija	
	Ovjerena lična izjava data pod materijalnom i krivičnom odgovornošću da ne prima drugu stipendiju, kredit, da nije korisnik stipendije od strane Ministarstva za pitanje boraca i ratnih vojnih invalida za istu studijsku/akademsku godinu za koju predaje zahtjev	
	Kućna lista ili ovjerena lična izjava da živi u zajedničkom domaćinstvu sa licem iz čl. 2. Zakona o dopunskim pravima branilaca i članova njihovih porodica (branioc, demobilizirani branioc, dobrovoljac, organizator otpora, veteran, ratni vojni invalid, dobitnik ratnog priznanja ili odlikovanja), odnosno da je živio u zajedničkom domaćinstvu do smrti lica iz člana 2. Zakona - ukoliko se radi od djetetu umrlog lica iz člana 2. Zakona	
	Ovjerena lična izjava da nije zaposlen na određeno ili neodređeno vrijeme	
	Potvrda banke o otvorenom tekućem računu ili ovjerena fotokopija tekućeg računa otvorenog kod banke na ime podnosioca zahtjeva za dodjelu stipendije	

Priložem dokumentaciju u originalu ili ovjerenoj fotokopiji, koja nije starija od 6 mjeseci.

Datum, \_\_\_\_\_

\_\_\_\_\_  
Podnosilac zahtjeva:

U skladu sa odredbama Zakona o zaštiti ličnih podataka „Službeni glasnik Bosne i Hercegovine“ broj: 12/25) kao nosilac gore navedenih i dostavljenih podataka saglasna/saglasan sam da Ministarstvo za pitanje boraca i ratnih vojnih invalida vrši obradu istih, u svrhu rješavanja po zahtjevu, trajno, odnosno radi ostvarivanja prava po zahtjevu, za dodjelu stipendije, a u skladu sa Zakonom o dopunskim pravima branilaca i članova njihovih porodica i raspisanim Konkursom za dodjelu stipendija redovnim studentima branilačkih kategorija sa područja Unsko-sanskog kantona.

Davalac saglasnosti:

\_\_\_\_\_

(mjesto)

\_\_\_\_\_

(datum)

**UNSKO-SANSKI KANTON  
MINISTARSTVO ZA PITANJE BORACA  
I RATNIH VOJNIH INVALIDA  
BIHAĆ**

**PREDMET: Zahtjev za dodjelu stipendije – KONTINUIRANO**

Obraćam se navedenom naslovu, zahtjevom za dodjelu stipendije, a u skladu sa raspisanim Konkursom za dodjelu stipendije za akademsku 2025/2026. godinu jer sam \_\_\_\_\_.

(navesti boračku kategoriju kojoj pripada podnosilac zahtjeva)

PODNOŠILAC	Ime (ime oca) i prezime:
	Datum rođenja:
	Adresa prebivališta:
	Kontakt broj:

PODACI O FAKULTETU	Naziv:
	Adresa sjedišta:
	Godina studiranja:

PRILOZI	Dokaz da je redovno upisana naredna godina studija	
	Prijava u evidenciji prebivališta (CIPS)	
	Dokaz/ovjerena lična izjava data pod materijalnom i krivičnom odgovornošću da nije ostvareno pravo na stipendiju od strane drugog davaoca stipendije	
	Ovjerena lična izjava da nije zaposlen na određeno ili neodređeno vrijeme	

Priložem dokumentaciju u originalu ili ovjerenj fotografiji, koja nije starija od 6 mjeseci.

Datum, \_\_\_\_\_

Podnosilac zahtjeva:

U skladu sa odredbama Zakona o zaštiti ličnih podataka „Službeni glasnik Bosne i Hercegovine“ broj: 12/25) kao nosilac gore navedenih i dostavljenih podataka saglasna/saglasan sam da Ministarstvo za pitanje boraca i ratnih vojnih invalida vrši obradu istih, u svrhu rješavanja po zahtjevu, trajno, odnosno radi ostvarivanja prava po zahtjevu, za dodjelu stipendije, a u skladu sa Zakonom o dopunskim pravima branilaca i članova njihovih porodica i raspisanim Konkursom za dodjelu stipendija redovnim studentima branilačkih kategorija sa područja Unsko-sanskog kantona.

Davalac saglasnosti:

---

(mjesto)

---

(datum)